



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 102. Crimina sua fassus, ac Judicum suorum clementiam implorans.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul XVI
A.C 1567.

tur enim rursus ad Ecclesiæ Catholicæ, quam abjecerat, finem reversurus: ea propter consultum fore censebatur, ut captivus detineretur: mox igitur comprehensus, cunctisque ejus scriptis sedulo excussis confictæ conjugii tabulæ, quarum supra meminimus, reperiabantur, quæ desperatæ ejus causæ affererant momentum maxime noxium; quippe ejus concubina Gasparena ipsamet hujus scripti falsitatem agnoscebat, ac coram Spisamio confictum esse hoc testimonium testabatur, unde & ipse rei veritatem fateri compellebatur: itaque tanquam adulterii reus damnatur, & quin inconstantia, ac perfidia ipsi imputatæ mentio fieret, intra tridui spatium judicii acta in eum fuerunt instructa.

§. CII.

Crimina sua fassus, ac Judicium suorum clementiam implorans.

Spon. p. 118. Cum Spisamius se condemnari cerneret, summa animi demissione judicium clementiam implorabat, supplicans, ut ponderare velint, quod adulterii crimen, cujus reus esset, peccatum foret jam ante triginta ferme annos eo tempore perpetratum, quod non modo Parisiis, atque in Galliis, ubi tum morabatur, sed etiam Genevæ morum

rum perversitas vel maxime invaluisse, ^{Sæcul. XVI.}
 ipse vero passim dici inaudiisset, quod ^{A.C 1567.}
 elapso decennio post commissum ejus-
 modi delictum nulla amplius inquisitio
 fieret: insuper assererat, quod ad ex-
 piandum hoc scelus Genevam unacum
 sua conjuge venisset, ut ibidem pæni-
 tentiam ageret, ac libere purum Dei
 Verbum sequeretur, ubi vitam ab omni
 reprehensione immunem traxisset: de
 cetero autem ad confingendas ejusmodi
 tabulas ex paterno affectu se impulsus
 dicebat, præcipue ut præpediret, ne
 post ipsius obitum ejus Filius Reform-
 atæ Religionis addictus Genevensis ci-
 vitatis privilegio spoliaretur, aut alii
 quamplurimi Filii pariter cives hæredi-
 tatis jure privarentur, quod, si secus
 fecisset, ad suum Nepotem transisset,
 qui tamen Religionem Catholicam pro-
 fiteretur. His tandem addidit, quod
 falsas hæc tabulas nunquam produxe-
 rit, nec illis unquam uti voluerit, imo
 libenter consentiat, ut deleantur, ac
 dilacerentur.

Spifamius priusquam falsas hujus
 connubii tabulas confarcinabat, aliud
 confictum ejusmodi monumentum Cal-
 vino, necnon Genevensi Consistorio Ge-
 nevam veniens porrigebat, unde ob
 hujus falsi testimonii fidem ejus matri-
 monium confirmabatur, ratumque ha-
 beba-

Sæculi XVI
A.C. 1577.

bebatur: hinc gemina hac fraude Magistratus vehementer offensus præcipue illas tabulas, propter quas ipius conjugium fuerat approbatum, execrabatur: unde absolutis quæstionibus eidem propositis, Prætor, ac Procurator Generalis iudicii acta urgebant, tandem decernentes, quod Spifamius singulari pœna ad aliorum terrorem castigaretur: pronuntiato igitur hoc iudicio Senatus eum condemnabat, ut capite plecteretur, quæ etiam sententia in Molardino foro die vigesima tertia Martii Anno a partu Virgiiis millesimo quingentesimo sexagesimo sexto executioni data est.

Ceterum haud comprobatum extat, quod Spifamius sub Petri Richerii nomine librum contra Villegagnonium Equitem ediderit, prout tamen a nonnullis insimulabatur; hujus enim operis genuinus author idem ipse est, cuius nomen liber præsefert. Referunt quoque alii, quod Spifamius, cum adhuc esset Episcopus, Tridentino Concilio interfuerit, postea autem Biturigibus, atque Exodani Ministrum egerit; interim id omnino compertum habetur, quod Spifamius ad Francofordiensi comitia, ubi Cæsarem oratione solenni exceperat, profectus apud Bituriges in quadam domo, ubi Calvinistæ Cœnam celebrabant, ineunte anno Do-

mini

mini millesimo quingentesimo sexagesimo secundo ritu solemni pro hæreticorum more rem Divinam fecerit, atque quinquaginta equitum agmine stipatus Exoduno ad hunc locum profectus sit.

Sæcul. XVI.
A.C. 1567.

§. CIII.

Paçta inter Sabaudia Duce, & Bernensis Pagi incolas.

Jam a longo tempore Emanuel Philibertus Sabaudia Dux Bernensis Pagi incolas. ut ditiones eidem ablatas restituerent, urgebat, nunc vero Cæsaris auctoritate adjutus rem eo deduxit, ut hi Gesia, Gaillardi, & Ternii Præfecturas Duci unacum Cabelliacensi Ducatu cederent, ea tamen lege, ut ipsi in eodem statu, prout antea fuerant, relinquerentur, necnon solam Protestantium sectam libere profiteri possent: verum hæc paçta Lausanæ Mense Octobri Anno Domini millesimo quingentesimo sexagesimo quarto conclusa nonnisi Mense Augusto hoc anno salutis nostræ millesimo quingentesimo sexagesimo septimo effectui fuere data, postquam copix ductore Albano Duce per Sabaudiam in Belgium transierant.

§. CIV.